

দরবেশ গ্রন্থাবলী—৮

সাম-সম্মত-গাথা

কিরণ চাঁদ দরবেশ অনূদিত

চারি. আনা

প্রকাশক
শ্রীভারতচরণ চক্রবর্তী
২নং নাথু সাহ ব্রহ্মপুরী,
বারাণসী
১৩২৬



৬১নং বোবাজার ষ্ট্রীট, কলিকাতা ;
কুন্তলীন প্রেসে
শ্রীপূর্ণচন্দ্র দাস কর্তৃক মুদ্রিত
১৯১৯

৩

পরম স্নেহাস্পদ

শ্রীমান জ্যোতির্ষ্ম চট্টোপাধ্যায়

দাদা-জীবন নিরাপদে দীর্ঘজীবেষু-

দাদু,

আজ তুমি ব্রহ্মণ্য-ধর্ম্মে দীক্ষিত হইলে; আজ তুমি কশ্যপ-কুলে
বথার্থ জন্মগ্রহণ করিলে। হে ব্রাহ্মণ! হে বাল-ব্রহ্মচারী! আজ তোমাকে
আমি ভূমি-বিলুপ্তিত হইয়া নমস্কার করি। যে সাবিত্রী-দীক্ষা লাভ
করিলে, এই মহান্ গায়ত্রী-মন্ত্র বর্ম্মের গ্রাস সমস্ত জীবন তোমাকে রক্ষা
করিবে। তুমি এ বর্ম্মের আশ্রয় কখনও পরিত্যাগ করিও না।

হে শাস্বত ভিকারী! এই “সাম-সন্ধ্যা-গাথা” তোমাকে ব্রত-ভিক্ষা
দিয়া আমি কৃতার্থ হইলাম।

রুক্মিণী ঘোদশী,

২৮ বৈশাখ, ১৩২৬

}
}

তোমার স্নেহ-মুগ্ধ

ঔকুরদাদা

ভূমিকা

সামবেদোক্ত ত্রিসন্ধা-বিধি পড়ে অনুবাদিত হইয়া প্রকাশিত হইল। অনুবাদ যাহাতে সম্পূর্ণরূপে মূলানুযায়ী হয়, তৎপক্ষে আমি চেষ্টার ক্রটি করি নাই; কতদূর কৃতকার্য হইয়াছি, সুধীগণ তাহার বিচার করিবেন।

সন্ধা বেদোক্ত মন্ত্র; ইহার অর্থ বোধ হউক কি না-হউক, তাহাতে বিশেষ কিছু আসে যায় না। রীতিমত উচ্চারিত হইলেই ইহাতে কল্যাণ হইয়া থাকে। কিন্তু তথাপি আমার মনে হয়, সন্ধার যথার্থ অর্থ বোধগম্য হইলে কোনও ব্রাহ্মণ-বালকই ইহা পরিত্যাগ করিতে পারিতেন না। পরমব্রহ্মের মাহাত্ম্য-ব্যঞ্জক এমন মহান্ পবিত্র স্তোত্র প্রত্যহ উচ্চারণ করিতে কোন মানবের অনিচ্ছা হইতে পারে? বাঙ্গালা গীতিকাব্যের ছন্দে আমি এই মন্ত্র সমূহ সুললিত ভাষায় ব্যক্ত করিতে চেষ্টা করিয়াছি। এই অনুবাদ মূলের মতই সুর সংযোগে যাহাতে গীত হইতে পারে, আমি তদনুরূপ করিয়াই অনুবাদ করিয়াছি। বেদ-মন্ত্রের যথাযথ ছন্দ-জ্ঞান আমার নাই। থাকিলে মূলের ছন্দেই অনুবাদ করা বিশেষ কঠিন হইত না। ইহা পাঠ করিয়া একটি ব্রাহ্মণ-সন্তানেরও যদি ত্রিসন্ধায় শ্রদ্ধা ও মতি জন্মে, তবেই আমার সমস্ত আয়োজন সার্থক হইবে।

গায়ত্রীর অনুবাদ সম্বন্ধে একটি কথা বলা প্রয়োজন। গায়ত্রীর যথার্থ বিস্তৃত ব্যাখ্যা প্রকাশ করা আমার সাধ্য ও শক্তির অতীত। ত্রিসন্ধার মধ্যে পাঁচটি স্থানে গায়ত্রী উল্লিখিত হইয়াছেন। সপ্তব্যাহতিতে, আপোমার্জনে, সুর্য্যোপস্থানে, ত্রাসে ও জপ-কালে। এই পঞ্চ স্থানে আমি পাঁচ প্রকার অনুবাদ করিয়াছি দেখিয়া, কেহ যেন অসমীচীন মনে না

করেন। প্রথমে সপ্তব্যাহতিতে আমি গায়ত্রীর মোটামুটি বিস্তৃত ব্যাখ্যা দিতে চেষ্টা করিয়াছি ; পরে আপোমার্জ্জন, সূর্য্যোপস্থান ও ন্যাসে গায়ত্রী-ব্যাখ্যা ক্রমশ সংক্ষেপ করিয়া লইয়া আসিয়া, জপকালে গায়ত্রী সম্পূর্ণরূপে যথাযথ শব্দার্থ দিয়া প্রকাশ করিতে চেষ্টা করিয়াছি। গায়ত্রী বৃত্তিতে সহজ হইবে বলিয়াই এই প্রকার করিয়াছি। /

সাধারণত যে সমস্ত সন্ধ্যার পুঁথি বাজারে প্রচলিত আছে, উহার প্রায় সমস্ত গ্রন্থই অল্পাধিক ভুলে পরিপূর্ণ। আমি মূল বেদ হইতে খুঁজিয়া প্রত্যেকটি মন্ত্র বাহাতে বিস্তৃত-মত ছন্দানুযায়ী লিখিত হয়, তৎপক্ষে চেষ্টার ক্রটি করি নাই। এ জন্ত আমাকে যথেষ্ট পরিশ্রম করিতে হইয়াছে। তথাপি যে সম্পূর্ণ কৃতকার্য্য হইয়াছি, দৃঢ়ভাবে এমন কথা বলিবার সাহস আমার নাই। ব্রাহ্মণ-সন্তানগণ এই পুঁথি অনুযায়ী ত্রিসন্ধ্যার অনুষ্ঠান করিলে, অনেকটা ছন্দ ও লয় বজায় রাখিয়া বিস্তৃত মন্ত্র উচ্চারণ করিতে সক্ষম হইবেন, ভরসা করি।

এস্থলে গায়ত্রীর পাঠ সম্বন্ধে একটি কথা বলা প্রয়োজন। গায়ত্রীছন্দ ষড়াক্ষরী, স্ততরাং ‘তৎসবিতু’ হইতে ‘প্রচোদয়াৎ’ পর্য্যন্ত “৭” বাদ দিয়া গায়ত্রী চব্বিশ অক্ষর হইবে ; কিন্তু তেইশ অক্ষর হয়। তাহার কারণ এই যে ‘বরেণ্যং’ শব্দটি ‘বরেণিয়ং’ এই প্রকার পাঠ হইবে ; উহা তিন অক্ষর নহে, চারি অক্ষর। যখন ‘বরেণ্যং’ বলিলে পাঠ অন্তত্ব হইবে, তখন ‘বরেণ্যং’ লিখিবার কি সার্থকতা আছে, তাহা বুঝি না। এইজন্ত আমি সর্বত্রই বিস্তৃত পাঠ “বরেণিয়ং” লিখিতে বিধা করি নাই। এই প্রকার আরও ঘটিয়াছে।

সন্ধ্যা-তত্ত্ব

সন্+ধ্যা, অর্থাৎ সম্যক প্রকারে ধ্যান, সন্ধ্যা শব্দের অর্থ। রাত্রি ও দিবস, পূর্বাহ্ন ও মধ্যাহ্ন এবং অপরাহ্ন ও রাত্রি,—এই তিনি সন্ধি

সময়ে অনুষ্ঠিত হয় বলিয়াও ইহাকে সন্ধ্যা বলে। এতদ্ব্যতীত উপাস্ত দেবতা জ্যোতিষ্ময় সবিতারও এক নাম সন্ধ্যা। সন্ধ্যা ও গায়ত্রীতন্ত্র সম্বন্ধে বহুতর গ্রন্থ প্রকাশিত হইয়াছে; আমি এ স্থলে সে তন্ত্রের ব্যাখ্যা করিতে বসিব না। ব্রাহ্মণকূলে জন্মিলেও, আমার শ্রায় মূৰ্খের পক্ষে উহা অনধিকার চৰ্চা। সন্ধ্যার প্রত্যেকটি অঙ্গ কি প্রক্রিয়ায় সম্পাদন করিতে হয়, এ স্থলে আমি কেবল মাত্র তাহাই বলিব। সন্ধ্যার্থীগণ ভূমিকা পড়িয়া তত্তৎ ক্রিয়া সম্পাদন করিবেন।

আচমন

কোনও ক্রিয়া সম্পাদন করিতে হইলে, হাত পা ধুইয়া স্নান মনে উপবেশন করিতে হয়; আচমন তাহাই। প্রথমে পা, পরে হাত ধুইয়া নিশ্চিন্ত অন্তঃকরণে পূৰ্ব বা উত্তরমুখী হইয়া আসনে স্থির হইয়া বসিবে। পরে, একটি মাষকলাই ডুবিতে পারে, এতৎপরিমাণ জল, গোকৰ্ণাকার দক্ষিণ হস্তের অঙ্গুষ্ঠমূলে লইয়া ১ মন্ত্র পাঠ করিয়া পান করিবে; এই প্রকার তিনবার করিতে হইবে। প্রতিবারই করতলদ্বারা ওষ্ঠ মার্জনা করিবে। সৰ্ব্বত্রই, আচমনে জলপান করিবার পরে, হস্ত ধোত করিতে হইবে; নহিলে উচ্ছিষ্ট হস্তে সৰ্ব্বাঙ্গ স্পর্শ করিয়া সন্ধ্যার প্রথমেই ক্রিয়াটিকে পণ্ড করিয়া ফেলিবে। অনেক প্রবীন ব্যক্তি এই প্রকার আচমন-কালেই সমস্ত উচ্ছিষ্ট করিয়া লয়ন। এ বিষয়ে সাবধান। ২ মন্ত্র পাঠ করিবার সময়ে,—তর্জনী, মধ্যমা ও অনামিকার অগ্রদেশ দ্বারা মুখ স্পর্শ করিবে; তর্জনী ও অঙ্গুষ্ঠ দ্বারা দক্ষিণ ও বাম নাসাপুট স্পর্শ করিবে; অঙ্গুষ্ঠ ও অনামিকা দ্বারা দক্ষিণ ও বাম চক্ষু স্পর্শ করিবে; উহা দ্বারাই দক্ষিণ ও বাম কর্ণ দুইবার করিয়া স্পর্শ করিবে; অঙ্গুষ্ঠ ও কনিষ্ঠা দ্বারা নাভি স্পর্শ করিবে। পরে হস্ত প্রক্ষালন করিয়া হস্ততল দ্বারা হৃদয়, সকল অঙ্গুলি দ্বারা

শীর্ষদেশ, এবং সকল অঙ্গুলির অগ্রভাগ দ্বারা দক্ষিণ ও বাম বাহুমূল স্পর্শ করিবে।

মার্জনের অপর নাম মন্ত্র-স্নান। যেমন বাহ্যিক অবগাহন স্নানে মাতুষ শুচি হয়, সেই প্রকার এই মন্ত্র-স্নানে অন্তর শুদ্ধ হইয়া ব্রহ্মোপাসনার উপযোগী হয়। মন্ত্রকে একটু একটু জলের ছিটা দিতে দিতে ও হইতে ১০ মন্ত্র পাঠ করিতে হইবে।

ঋষ্যাদি স্মরণ

প্রাণায়াম করিবার পূর্বে ঋষ্যাদি স্মরণ করিতে হয়। সর্বপ্রথমে যাহার নিকটে মন্ত্রটি প্রকাশিত হইয়াছিলেন, তিনিই সেই মন্ত্রের দ্রষ্টা ঋষি; যে স্থলে ঐ মন্ত্রটি গান করা যায়, তাহার নাম ছন্দ; যাহার উদ্দেশ্যে মন্ত্র প্রকাশিত হইয়াছেন, তিনিই ঐ মন্ত্রের দেবতা; আর যে কর্ত্তে ঐ মন্ত্র আমরা প্রয়োগ করিয়া থাকি, তাহাই বিনিয়োগ। কাহারও নিকট হইতে অযাচিত কোনও বহুমূল্য দ্রব্য পাইলে আমরা কৃতজ্ঞ অন্তরে দাতাকে ধন্যবাদ দিয়া থাকি; ঐ দ্রব্য ব্যবহার করিবার সময়ে স্বতই প্রতিবারে দাতাকে স্মরণ হয়। এ স্থলেও সেই প্রকার বে মন্ত্র উচ্চারণ করিব, প্রথমে ঐ মন্ত্রের ঋষি, ছন্দ, দেবতা ও কি কর্ত্তের জন্ত মন্ত্র উচ্চারণ করিতেছি সেই বিনিয়োগ স্মরণ করা কর্তব্য।

এই স্থানে ছন্দ সম্বন্ধে দুই-চারিটি কথা বলা প্রয়োজন। সমস্ত সামবেদীয় সন্ধ্যা-পদ্ধতির মধ্যে নিম্নলিখিত আটটি ছন্দ ব্যবহৃত হইয়াছে, যথা :—গায়ত্রী, উষিক্, অমৃষ্টপ, বৃহতী, পঙক্তি, ত্রিষ্টপ, জগতী ও প্রকৃতি। গায়ত্রী ছন্দ ষড়াক্ষরী, সূত্রাং একটি গায়ত্রী মন্ত্রে চব্বিশটি অক্ষর আছে। উষিক্ ছন্দ সপ্তাক্ষরী, সূত্রাং একটি উষিক্ মন্ত্রে আঠাইশটি অক্ষর আছে। অমৃষ্টপ ছন্দ অষ্টাক্ষরী, সূত্রাং একটি

অষ্টপু মন্ত্রে বত্রিশটি অক্ষর আছে। বৃহতী ছন্দ নবাক্ষরী, সূতরাং একটি বৃহতী মন্ত্রে ছত্রিশটি অক্ষর আছে। পঙ্তি ছন্দ দশাক্ষরী, সূতরাং একটি পঙ্তি মন্ত্রে চল্লিশটি অক্ষর আছে। ত্রিষ্টপু ছন্দ একাদশাক্ষরী, সূতরাং একটি ত্রিষ্টপু মন্ত্রে চুয়াল্লিশটি অক্ষর আছে। জগতী ছন্দ দ্বাদশাক্ষরী, সূতরাং একটি জগতী মন্ত্রে আটচল্লিশটি অক্ষর আছে। প্রকৃতি ছন্দ একবিংশত্যাক্ষরী, সূতরাং একটি প্রকৃতি মন্ত্রে চরশিটি অক্ষর আছে। পার্থাগণ ইহা দ্বারা ছন্দ সমূহ মিলাইয়া লইতে পারিবেন। রুতাঞ্জলিপুটে ১১ হইতে ১৪ মন্ত্র পাঠ করিতে হইবে।

প্রাণায়াম

যে কর্মের দ্বারা পঞ্চ প্রাণবায়ুর আয়াম অর্থাৎ সুদীর্ঘ স্থায়িত্ব জন্মে, তাহাই প্রাণায়াম। ইহা দেহাভ্যন্তরে নিশ্বল বায়ুর প্রবেশ অর্থাৎ পুরক, নিরোধ অর্থাৎ কুস্তক, এবং নিঃসরণ অর্থাৎ রেচক নামক ক্রিয়া বিশেষ। ‘অ’ ‘উ’ ‘ম’,—এই তিনটি বর্ণ একত্রিত হইয়া ঔ বা প্রণব হইয়াছে। এই প্রণবই আমাদের উপাস্ত। ‘অ’ রাজসিক মূর্তি সৃষ্টিকর্তা ব্রহ্মা; ‘উ’ সাত্বিক মূর্তি পালনকর্তা বিষ্ণু; এবং ‘ম’ তামসিক মূর্তি প্রলয়কর্তা শিব। প্রাণায়ামে পুরক দ্বারা সৃষ্টি, কুস্তক দ্বারা স্থিতি ও রেচক দ্বারা প্রলয় হয়। মস্তকে একটি সম্ভ্রদল পদ্ম শাখোমুখে বিরাজ করিতেছেন। উহার মধ্যভাগ হইতে তিনটি নাড়ী ওহরার পর্য্যন্ত বিলম্বিত রহিয়াছেন। মধ্যের নাড়ীকে শুষুমা, দক্ষিণের নাড়ীকে পিঙ্গলা, এবং বামের নাড়ীকে ইড়া বলে। প্রাণায়াম কালে দক্ষিণ নাসিকা বন্ধ করিয়া বাম নাসিকা অর্থাৎ ইড়া দ্বারা বায়ু টানিতে হয়; ইহাকে পুরক বলে। মধ্যস্থলে অর্থাৎ শুষুম্নায় বায়ু স্থির করিয়া রাখিতে হয়, ইহাকে কুস্তক বলে। পরে দক্ষিণ নাসিকা অর্থাৎ পিঙ্গলা

দ্বারা ধীরে ধীরে বায়ু নিঃসরণ করিতে হয়; ইহাকে রেচক বলে। বহিস্থ বিশুদ্ধ বায়ু এই ক্রিয়ায় ভিতরে প্রবিষ্ট হইয়া সংঘর্ষ দ্বারা তাপ ও জলের সৃষ্টি করিয়া সমস্ত দেহকে বিশুদ্ধ করে।

পূর্বেই উক্ত হইয়াছে, পূরক 'অ' স্বরূপ সৃষ্টিকর্তা ব্রহ্মা; স্ততরাং পূরক কালে ব্রহ্মগ্রন্থিস্থিত অপাণ বায়ুতে অর্থাৎ নাভিদেশে রজোগুণশালী ব্রহ্মার ধ্যান করিবে। কুস্তক 'উ' স্বরূপ পালনকর্তা বিষ্ণু; স্ততরাং কুস্তক কালে বিষ্ণুগ্রন্থিস্থিত প্রাণবায়ুতে অর্থাৎ হৃদয়দেশে সত্ত্বগুণশালী বিষ্ণুর ধ্যান করিবে। রেচক 'ম' স্বরূপ সংহারকর্তা শিব; স্ততরাং রেচক কালে রুদ্রগ্রন্থিতে অর্থাৎ ললাটদেশে তমোগুণশালী শিবের ধ্যান করিবে।

প্রথমে আপনার চারিদিকে জল বেষ্টন পূর্বক, দক্ষিণ হস্তের অঙ্গুষ্ঠ দ্বারা দক্ষিণ নাসিকা বা পিঙ্গলা বন্ধ করিয়া বাম নাসিকা বা ইড়া দ্বারা বায়ু আকর্ষণ পূর্বক নাভিতে ব্রহ্মার ধ্যান সম্বিত ১৫ হইতে ১৮ মন্ত্র পাঠ করিবে। পরে দক্ষিণ নাসিকা পূর্ববৎ বন্ধ অবস্থায় রাখিয়াই অনামিকা ও কনিষ্ঠা দ্বারা বাম নাসিকা বন্ধ করত কুস্তক করিয়া হৃদয়ে বিষ্ণুর ধ্যান সম্বিত ১৯ হইতে ২২ মন্ত্র পাঠ করিবে। অন্তঃপর দক্ষিণ নাসিকা হইতে অঙ্গুষ্ঠ সরাইয়া লইয়া ধীরে ধীরে বায়ু ত্যাগ অর্থাৎ রেচক করিবার সময়ে ললাটদেশে শিবের ধ্যান সম্বিত ২৩ হইতে ২৬ মন্ত্র পাঠ করিবে। ইহাই প্রাণায়াম।

ইহা দেহাভ্যাস্তরস্থ জীবাশ্মার আচমন বা পাপবিমুক্তি। প্রভাত, মধ্যাহ্ন ও সায়াক্ষ, তিন কালে তিনটি পৃথক মন্ত্র দ্বারা আচমন করিতে হয়। প্রাতঃসন্ধ্যার আচমনে, রাত্রে অম্লষ্টিত পাপের হস্তস্থ জলে

অবস্থিতির কল্পনা করিয়া, ঐ জল পরমাত্মার চরণে আহুতি-স্বরূপ পান করিতে হয়। মধ্যাহ্ন সন্ধ্যার আচমনে, উচ্ছিষ্ট ভোজন, অসং প্রতিগ্রহ, অসং আচরণ প্রভৃতি পাপের হস্তস্থ জলে অবস্থিতির কল্পনা করিয়া ঐ জলও পরমাত্মার চরণে আহুতি-স্বরূপ পান করিতে হয়। সায়াংসন্ধ্যার আচমনে, সমস্ত দিবসে কৃত পাপের হস্তস্থ জলে ঐ প্রকার অবস্থিতির কল্পনা করিয়া ঐ জল পরমাত্মায় আহুতি-স্বরূপ পান করিতে হয়। হস্তে জল লইয়া মন্ত্র পাঠ করিবে, এবং পরে ঐ জল পান করিবে। প্রাতঃসন্ধ্যায় ২৭ ও ২৮ মন্ত্রে, মধ্যাহ্নসন্ধ্যায় ২৯ হইতে ৩১ মন্ত্রে, এবং সায়াংসন্ধ্যায় ৩২ ও ৩৩ মন্ত্রে আচমন করিবে।

আপোমার্জন

পূর্বে যে মার্জন কথিত হইয়াছে, সেই মন্ত্রেই এখন বিশেষ ভাবে মার্জন করিতে হইবে। পূর্বে মার্জনের মন্ত্রদ্রষ্টা ঋষি ইত্যাদি স্মরণ করা হয় নাই; এবার তাহা করিতে হইবে। প্রথমে মন্তকে তিনবার জলের ছিটা দিতে দিতে ৩৪ হইতে ৩৬ মন্ত্র পাঠ করিবে। পরে ৩৭ হইতে ৪০ মন্ত্র পাঠ করিতে করিতে নিম্ন প্রণালীতে নয়বার জলের ছিটা দিবে; বথা—প্রথমে মন্তকে, পরে মাটিতে, তৎপরে শূত্রে; পুনরায় প্রথমে শূত্রে, পরে মাটিতে, তৎপরে মন্তকে; পুনরায় প্রথমে মন্তকে, পরে শূত্রে, তৎপরে মাটিতে।

অঘমর্ষণ

অঘ—পিপাচ; মর্ষণ—মর্দন। অন্তরস্থ পাপ-পুরুষকে যে প্রক্রিয়া দ্বারা বিদূষিত করা যায়, তাহাকে অঘমর্ষণ বলে। আবার এই মন্ত্র সর্বপ্রথমে যে ঋষির নিকট প্রকাশিত হইয়া ছিলেন, তাঁহার নামও অঘমর্ষণ ঋষি। এক গণ্ডূষ জল নাসিকাগ্রে ধারণ পূর্বক ৪১ হইতে ৪৪ মন্ত্র পাঠ করিবে। মন্ত্র পাঠের সময় যখন নিশ্বাস গ্রহণ করিবে, তখন

মনে করিবে যে, মন্ত্র দ্বারা বিমুক্ত হইয়া বায়ু তোমার ভিতরে প্রবেশ করিতেছেন। যখন নিশ্বাস ত্যাগ করিবে, তখন চিন্তা করিবে যে, তোমার অভ্যন্তরস্থ কৃষ্ণবর্ণ পাপ-পুরুষ পুণ্য মন্ত্রের প্রভাবে আর তোমার ভিতরে ঠাই না পাইয়া, নিশ্বাসের সঙ্গে দ্রুত বহির্গত হইয়া আসিয়া ঐ জল গণ্ডুষে মিশিয়া যাইতেছে। মন্ত্র পাঠ শেষ হইলে, ঐ পাপময় জল-গণ্ডুষ নিজের বাম পার্শ্বে মাটিতে ছুঁড়িয়া নিক্ষেপ করিবে।

সূর্য্যোপস্থান

ব্রহ্মা-বিষ্ণু-শিব-বন্দিত প্রণব-স্বরূপা আত্মশক্তি গায়ত্রী দেবীর প্রিয় লীলাক্ষেত্র, ব্রহ্ম-জ্যোতির আধারভূত ভগবান সূর্য্যদেবের স্তুতিই সূর্য্যোপস্থান। প্রথমে সূর্য্যাস্তিমুখে দণ্ডায়মান হইবে। পরে হস্তে এক অঞ্জলি জল লইয়া ৪৫ মন্ত্র পাঠ করিয়া প্রদান করিবে। প্রাতঃসন্ধ্যা ও সায়াহ্ন সন্ধ্যায় এই প্রকার তিনবার জল দিবে; মধ্যাহ্ন সন্ধ্যায় একবার দিলেই হইবে। ইহার পরে, উভয়গদাগ্রে ভর দিয়া দাঁড়াইয়া, অথবা এক পায়ে দাঁড়াইয়া, ৪৬ হইতে ৪৯ মন্ত্র পাঠ করিবে। প্রাতে ও সায়াহ্নে করষোড়ে এবং মধ্যাহ্নে উর্দ্ধবাহু হইয়া ভগবান সূর্য্যদেবের মহিমা ব্যঞ্জক এই মন্ত্র পাঠ করিতে হইবে।

স্মরণ-প্রণতি

পরে উপবেশন করিয়া ৫০ হইতে ৫৯ মন্ত্র প্রাতঃ ও মধ্যাহ্ন সন্ধ্যায় পাঠ করিবে। সায়াহ্ন সন্ধ্যায় ইহা পড়িতে হয় না। অনেকে এই সময়ে এক এক অঞ্জলি জল দিয়া তর্পণ করিয়া থাকেন; কিন্তু ইহা ভুল। জলদানের কোনও ব্যবস্থা নাই; মাত্র পাঠ করিতে হইবে। পবিত্র কার্য্যকালে পবিত্রতম দেবতাদিগকে স্মরণ করাই এই মন্ত্রের উদ্দেশ্য।

গায়ত্রীশাপোদ্ধার

এইবারে মহান্ গায়ত্রী মন্ত্র জপ করিবার জন্ত প্রস্তুত হইতে হইবে। কিন্তু গায়ত্রী জপের পূর্বে তৎসংঘটিত কয়েকটি ক্রিয়া অনুষ্ঠিত হওয়া প্রয়োজন। প্রথম ক্রিয়া গায়ত্রীর শাপোদ্ধার।

ব্রহ্মা, বশিষ্ঠ ও বিশ্বামিত্র, এই তিন জনে গায়ত্রীদেবীকে অভিসম্পাত করিয়াছিলেন। গায়ত্রীদেবীকে আহ্বান করিবার পূর্বে এই শাপ-বিমোচন মন্ত্র পাঠ করিতে হয়। মাত্র প্রাতঃসন্ধ্যায় এই মন্ত্র কয়টি পাঠ করিলেই চলিবে; মধ্যাহ্ন বা স্বায়ংসন্ধ্যায় আবশ্যক নাই। প্রথমে ব্রহ্মশাপের মোচন জন্ত ৬০ ও ৬১ মন্ত্র পাঠ করিবে। পরে বশিষ্ঠশাপের মোচন জন্ত ৬২ ও ৬৩ মন্ত্র পাঠ করিবে। পরে বিশ্বামিত্রশাপ মোচন জন্ত ৬৪ ও ৬৫ মন্ত্র পাঠ করিবে।

গায়ত্রী আবাহন

এইবার শাপ-বিমুক্ত গায়ত্রীদেবীকে আহ্বান করিতে পার। কৃতাজলিপুটে ৬৬ মন্ত্র পাঠ করিয়া দেবীকে আবাহন করিবে। পরে ৬৭ মন্ত্রে গায়ত্রী মন্ত্রের ধ্যায়াদিকে পুনরায় স্মরণ করিবে।

ভাস

গায়ত্রী জপের পূর্বে অঙ্গভাস করিতে হয়। নিম্নে তৎপ্রণালী লিখিত হইল। ৬৮ মন্ত্র পাঠ করিতে করিতে দক্ষিণ হস্তের তর্জনী, মধ্যমা ও অনামিকার অগ্রদেশ দ্বারা হৃদয় স্পর্শ করিবে; ৬৯ মন্ত্র পাঠ করিতে করিতে মধ্যমা ও তর্জনীর অগ্রদেশ দ্বারা শিরস স্পর্শ করিবে; ৭০ মন্ত্র পাঠ করিতে করিতে অঙ্গুষ্ঠ দ্বারা শিখা স্পর্শ করিবে; ৭১ মন্ত্র পাঠ করিতে করিতে দশাঙ্গুলি দ্বারা সর্বাঙ্গ স্পর্শ করিবে; ৭২ মন্ত্র পাঠ করিতে করিতে দক্ষিণ করতল দ্বারা বাম করতল স্পর্শ করিয়া কক্কতলদ্বয়ে আঘাত করিবে।

ধ্যান

এইবার গায়ত্রীদেবীর ধ্যান করিবে। ধ্যান তিন বেলায়, তিন প্রকার। প্রভাতের নম্র সূর্য্যমণ্ডল মধ্যে কুমারী মূর্তিতে দেবীর ধ্যান করিবে। প্রভাতের সূর্য্য দিবসের স্রষ্টা, তাই দেবী সৃষ্টিকর্তা ব্রহ্মা-স্বরূপিণী। ঋগ্বেদ সকলের আদিতে প্রকাশিত হইয়াছিলেন, তাই দেবী ঋগ্বেদযুক্তা। ৭৩ মন্ত্রে প্রাতঃ সন্ধ্যায় গায়ত্রী ধ্যান করিবে।

মধ্যাহ্নের দীপ্ত সূর্য্যমণ্ডল যৌবনতা প্রাপ্ত হয়; তাই মধ্যাহ্ন ধ্যানে দেবী যুবতী; গৃহিণীর মত পালনকর্ত্রী বলিয়া পালনকর্ত্রী বিষ্ণু-স্বরূপিণী। ঋগ্বেদের পরে যজুর্বেদ প্রকাশিত হইয়াছেন, তাই দেবী যজুর্বেদধারিণী। ৭৪ মন্ত্রে মধ্যাহ্ন সন্ধ্যায় গায়ত্রী ধ্যান করিবে।

সায়াহ্নের স্নিগ্ধ সূর্য্যমণ্ডলে, জরা মূর্তি, ক্ষয়ের আধার, বৃদ্ধা, সংহার-কর্ত্রী রুদ্র-স্বরূপিণী গায়ত্রী দেবীর ধ্যান করিবে। সামবেদ তৃতীয়, তাই দেবী সামবেদযুক্তা। ৭৫ মন্ত্রে সায়ঃ সন্ধ্যায় গায়ত্রী ধ্যান করিবে।

গায়ত্রী

এইবার পবিত্র মনে গায়ত্রী জপ করিতে হইবে। জপ-কালে বস্ত্রাভ্যন্তরে হাত লইয়া বক্ষস্থলে রাখিয়া গায়ত্রী জপিতে হয়। প্রাতঃ সন্ধ্যায় হস্ত চিৎ করিয়া, মধ্যাহ্ন সন্ধ্যায় হৃদয়াভিমুখে তির্ঘাং ভাবে রাখিয়া, এবং সায়ঃ সন্ধ্যায় হস্ত উপুড় করিয়া রাখিয়া জপিতে হয়। প্রাতে দাঁড়াইয়া, মধ্যাহ্নে যথেষ্ট ভাবে থাকিয়া ও সায়াহ্নে উপবেশন করিয়া গায়ত্রী জপ করিবে। জপকালে বাম হস্তের অনঙ্গুষ্ঠ দ্বারা অনামিকার মধ্য-পর্ক ধরিয়া থাকিবে; ইহাকে ‘কর-ধরা’ কহে। দক্ষিণ হস্ত দ্বারা নিম্ন প্রণালীতে অন্তত দশবার গায়ত্রী জপ করিবে। বৃদ্ধাঙ্গুষ্ঠে উপবীত জড়াইয়া লইয়া উহার অগ্র-পর্ক দ্বারা যথাক্রমে নিম্ন দশটি পর্ক স্পর্শ

করিয়া দশবার জপ করিবে; যথা,—(১) অনামিকার মধ্য পর্ব, (২) অনামিকার মূল পর্ব, (৩) কনিষ্ঠার মূল পর্ব, (৪) কনিষ্ঠার মধ্য পর্ব, (৫) কনিষ্ঠার অগ্র পর্ব, (৬) অনামিকার অগ্র পর্ব, (৭) মধ্যমার অগ্র পর্ব, (৮) তর্জ্জনীর অগ্র পর্ব, (৯) তর্জ্জনীর মধ্য পর্ব, (১০) তর্জ্জনীর মূল পর্ব। গায়ত্রী যত বেশী জপ করা যায়, ততই কল্যাণ। অন্ততপক্ষে দশবার জপিতে হয়। ৭৬ মন্ত্রেই গায়ত্রী।

গায়ত্রী বিসর্জন

কথাটা শুনিয়া অনেকের মনেই খটকা লাগিবে। এমন যে উপাস্তা দেবী গায়ত্রী, তাঁহাকে আবাহন করিয়া আনিয়া পুনরায় বিসর্জন করিবার কি আবশ্যকতা আছে? এ প্রশ্ন স্বাভাবিক। কিন্তু বিসর্জন করাই বিধি। তুমি কোনও পূজনীয়জনকে তোমার গৃহে আহ্বান করিয়া আনিয়া, তাঁহাকে বিদায় না-দেওয়া পর্য্যন্ত কখনও উঠিয়া গিয়া অত্যকর্ষে ব্যাপৃত হইতে পার না; উহা করিলে পূজনীয়জনের অবমাননা করা হয়। যদি চিরকাল গায়ত্রী জপ করিয়া কাটাইতে পারা যাইত, তাহা হইলে আর বিদায় দিবার আবশ্যকতা ছিল না। কিন্তু তাহা যখন সম্ভব নয়, তোমাকে যখন অত্যাগত কার্য্যে ব্যাপৃত হইতে হইবেই, তখন তৎপূর্বে দেবীকে বিদায় দেওয়াই সঙ্গত। ৭৭ মন্ত্রে এক অঞ্জলি জল লইয়া দেবীকে বিসর্জন করিবে। পরে ভগবান আদিত্য ও শুক্রদেবকে ৭৮ মন্ত্রে এক অঞ্জলি জল প্রদান করিবে।

আত্মরক্ষা

ইতিপূর্বে মহান্ গায়ত্রী মন্ত্রজপে যে চৈতন্তের উদয় হইয়াছে, উহা বাহ্যতে আর নষ্ট না হয়, তাহার উদ্দেশ্যেই এই আত্মরক্ষা মন্ত্র দ্বারা অগ্নির নিকটে রিপূর বিনাশ কামনা করিতে হয়। দক্ষিণ করের অঙ্গুষ্ঠ

দ্বারা দক্ষিণ কর্ণের পৃষ্ঠদেশ স্পর্শ করিয়া ৭৯ ও ৮০ মন্ত্র পাঠ করিবে। পরে মন্তকে জল ছিটাইয়া দিবে।

কৃত্রোপস্থান

প্রকৃতি-যুক্ত স্বগুণ পরম ব্রহ্মই রুদ্র। কৃতাজলিপুটে ৮১ ও ৮২ মন্ত্রে এই রুদ্রদেবের স্তুতি পাঠ করিবে।

তর্পণ

পরে ৮৩ হইতে ৮৬ মন্ত্রে সৃষ্টিকর্তা, পালনকর্তা, সংহার-কর্তা এবং যে পবিত্র জল দ্বারা তর্পণ করিতে সক্ষম হইতেছ, সেই জলাধীপ বরুণদেবকে এক এক অঞ্জলি জল দান করিবে।

ব্রহ্মযজ্ঞ

ব্রাহ্মণের প্রতিদিন বেদ পাঠ করিতে হয়; এই স্বাধ্যায় না হইলে ব্রাহ্মণত্ব পূর্ণ হয় না। কিন্তু প্রত্যহ বেদ পাঠ করা সকলের পক্ষে সম্ভব নহে। এই ব্রহ্মযজ্ঞ করিলেই সেই বেদ পাঠ সম্পূর্ণ হয়। ব্রহ্মযজ্ঞ আর কিছুই নহে, যথাক্রমে ঋগ্বেদ, যজুর্বেদ, সামবেদ ও অথর্ববেদের সর্ব প্রথম মন্ত্রটি ঋগ্বেদাদির সহিত পাঠ করা। ত্রিসংখ্যাস্থিত ব্রাহ্মণ কখনও এই ব্রহ্মযজ্ঞ পরিত্যাগ করিবেন না। কেবল মাত্র মধ্যাহ্ন সঙ্ক্যার সময় এই ব্রহ্মযজ্ঞ করিলেই চলিবে। বাম পদাঙ্গুষ্ঠ দক্ষিণ পদাঙ্গুষ্ঠ দ্বারা চাপিয়া ধরিয়া পূর্বমুখে উপবেশন করিবে। বাম হস্তে কুশ রাখিয়া দক্ষিণ করতলদ্বারা উহা ঢাকিয়া প্রথমে একবার গায়ত্রী ৮৭ মন্ত্র পাঠ করিবে। পরে ঋগ্বেদের আদি সূক্ত ৮৮ ও ৮৯ মন্ত্র পাঠ করিবে। পরে ঐ প্রকার যজুর্বেদের আদি সূক্ত ৯০ ও ৯১ মন্ত্র পাঠ করিবে। পরে ঐ ভাবে সামবেদের আদি সূক্ত ৯২ ও ৯৩ মন্ত্র পাঠ করিবে। সর্বশেষে ৯৪ ও ৯৫ মন্ত্র দ্বারা অথর্ববেদ পাঠ করিবে। অত্যা তিন বেদের মন্ত্রই তত্ত্ব বেদের প্রথম সূক্তের

আদি মন্ত্র; কেবল অথর্ক বেদের মন্ত্রটি উক্ত বেদের আদি মন্ত্র নহে, ১ম কাণ্ডের ১ম অম্বুবাকের ৬ষ্ঠ সূক্তের আদি মন্ত্র। অথর্ক বেদের সর্ক-আদি মন্ত্র পাঠের ব্যবস্থা না হইয়া এই মন্ত্রটি কেন নির্দিষ্ট হইয়াছে, তাহার কারণ অজ্ঞাত।

সূর্য্যার্য্য

অবশেষে পুষ্প-চন্দনাদি দ্বারা অর্থ্য সাজাইয়া ৯৬ মন্ত্রে জ্যোতির্ম্মর ভগবান সূর্য্যদেবের উদ্দেশে প্রদান করিবে; অভাবে এক অঞ্জলি জল দ্বারাও অর্থ্য দেওয়া যায়। ৯৭ মন্ত্রে সূর্য্যদেবকে প্রণাম করিবে।

কম্পাণ

৯৮ মন্ত্রে দেবী গায়ত্রীর উদ্দেশে এক গণ্ডূষ জল দিয়া, সন্ধ্যা-কালীন ক্রটির জন্য কম্পা ভিক্ষা করিবে।

প্রণাম

৯৯ মন্ত্রে অষ্টাঙ্গ দ্বারা ব্রহ্মণ্যদেবকে দণ্ডবৎ করিবে। ১০০ মন্ত্র মহাভারতস্থ শান্তিপর্কের ভীষ্মস্তোত্রের একটি শ্লোক। এই মন্ত্রে অম্বুবাদক তাহার ভগবান আচার্য্যদেবকে দণ্ডবৎ করিরাছে। উহা পাঠ করা না-করা ত্রিসংখ্যাপূত ব্রাহ্মণের ইচ্ছাধীন।

উপসংহার ✓

বদি এই পতাম্বুবাদ সাধারণের মনোজ্ঞ হয়, তবে ভবিষ্যতে এই প্রকার ঋক্ ও যজুর্কেদোক্ত ত্রিসংখ্যা-বিধি ছন্দে গাঁথিতে ইচ্ছা রহিল। ব্রহ্মণ্যদেব জয়যুক্ত হউন।

1. 2.

3.

4.

সাম-সন্ধ্যা-গাথা

আচমন

ওঁ বিষ্ণু । ওঁ বিষ্ণু । ওঁ বিষ্ণু ॥ ১ ॥

ওঁ তদ্বিষোঃ পরমং পদং, সদা পশ্যন্তি সুরয়ঃ ।

দিবীব চক্ষুরাততম্ ॥ ২ ॥

প্রণব-পুটিত বিষ্ণু !

কর্তা বিধাতা হর্তা জয় হে,

জয় জয় জয় বিষ্ণু !

বিশাল নয়ন দিয়া

নভোতল বিথারিয়া

যার দিগ্ধি জাগিয়া বেড়ায়,

সেই বেদ-বিখ্যাত

বিষ্ণু-পরম-পদ

সুর-নর সতত ধ্যেয়ায় ।

মার্জ্জন

ওঁ শন্ন আপো ধন্বন্ত্যঃ, শমু নঃ সন্ত্বনূপ্যাঃ ।

শন্ন সমুদ্ভি আপঃ, শমু নঃ সন্ত্বকূপ্যাঃ ॥ ৩ ॥

মরুদেশ-জাত অমৃত হে বারি !

কর কর কল্যাণ ;

জলময়-দেশ হে প্লাবনকারী !

কর কর কল্যাণ ।

অম্বুধি-জাত অম্বু-অতল !

কর কর কল্যাণ ;

কূপ-জাত পূত পাবিত হে জল !

কর কর কল্যাণ ।

ওঁ দ্রুপদাদিব মুচানঃ, শ্বিন্নঃ স্নাতো মলাদিব ।

পূতং পবিত্রেণেবাজ্য,-মাপঃ শুক্লস্ত মৈনসঃ ॥ ৪ ॥

ঘর্শ্মলিপ্ত, বসি তরু-ছায়ে

হয় যথা সূশীতল,

স্নান-অবশেষে অণুচি অঙ্গে

রহে না যেমন মল ;

মজ্জ-পূরিত পাবিত বচনে

ঘুত যথা হয় শুচি,

হে জল ! তেমনি পাপ-মলা যা'ক্

তব পরশনে ঘুচি ।

ওঁ আপো হি ঠা ময়োভুব,-স্তা ন উর্জে দধাতন ।
মহে রণায় চক্ষসে ॥ ৫ ॥

হে জল ! তোমরা সকল স্রুথের
নিদান—তোমরা নিদান ;
বিতর অন্ন ; সেই রমণীয়ে
দেখাবার কর বিধান ।

ওঁ যো বঃ শিবতমো রস,-স্তস্ত ভাজয়তেহ নঃ ।
উশতীরিব মাতরঃ ॥ ৬ ॥

সস্তানবতী জননী যেমন
স্তন্য করয়ে দান,
হে জল ! তোমার মঙ্গল-রস
তেমনি করাও পান ।

ওঁ তন্মা অরং গমাম বো, যস্ত ক্ষয়ায় জিহ্বথ ।
আপো জনয়থা চ নঃ ॥ ৭ ॥

হে জল ! যে রসে করেছ তৃপ্ত
যাবতীয় ভূত-প্রাণী ;
ধন্য কর হে, অনন্ত মোরে,
সেই শুভ রস দানি ।

ওঁ ঋতঞ্চ সত্যঞ্চাভীক্ষা,-স্তপসোহধ্যজায়ত ।
ততো রাত্রিয়াজায়ত, ততঃ সমুদ্রোঅর্গবঃ ॥ ৮ ॥

ওঁ সমুদ্রাদর্গবাদধি, সংবৎসরো অজায়ত ।
অহোরাত্রাণি বিদধদ, বিশ্বস্ত মিষতো বশী ॥ ৯ ॥

ঐ সূর্য্যচন্দ্রমসৌ ধাতা, যথাপূর্ব্বমকল্পয়ৎ ।

দিবঞ্চ পৃথিবীঞ্চা, -স্তুরীক্ষমথো স্বঃ ॥ ১০ ॥

মহা-প্রলয়ের নিকষ তিমিরে

ছিল না তো কেহ আন ;

ঋত ও সত্য পরমব্রহ্ম

কেবল বিরাজমান ।

প্রলয়ের শেষে প্রাক্তন-বশে

জনমিল অর্ণব ;

বারিধি-বক্ষ বিদারি হইল

বিধাতার উদ্ভব ।

বিশাল বিশ্ব নির্মাণ-পটু

বিধির নয়ন লাগি,

ধীরে ধীরে ধীরে সূর্য্য-চন্দ্র

উঠিল গগনে জাগি ।

দিবস-রজনী আনা-গোনা করি

জাগালো বরষ-মাস ;

চির নন্দিত নন্দন জাগি

হইল রে পরকাশ ।

রমণীয় ধরা হাসিল পুলকে

উদার আকাশ তলে ;

একি রে দৃষ্টি ! সৃষ্টি ফুটিল

বেষ্টিত জলে জলে ।

(২৩)

ঋষ্যাদি স্মরণ

ওঁকারন্ত ব্রহ্মঋষির্গায়ত্রীচ্ছন্দোহগ্নিদেবতা সর্বকর্মাৱস্তে
বিনিয়োগঃ ॥ ১১ ॥

ব্রহ্মা দ্রষ্টা প্রণব-মন্ত্র,
গায়ত্রী তার ছন্দ,
দেবতা অগ্নি, সকল কৰ্ম
আৱস্তে সেই বন্দ্য।

ওঁ সপ্তব্যাহতীনাং প্রজাপতিঋষির্গায়ত্র্যুষ্ণিগনুষ্ণবৃহতী-
পঙক্তিত্রিষ্ণুবৃজগত্যচ্ছন্দাঃসি অগ্নিবায়ুসূর্য্যাবরুণবৃহ-
স্পতীন্দ্রবিশ্বদেবাদেবতাঃ প্রাণায়ামে বিনিয়োগঃ ॥ ১২ ॥

সপ্তব্যাহতি মন্ত্র-দ্রষ্টা
জয় ঋষি প্রজাপতি,
গায়ত্রী, উষ্ণিক্, ত্রিষ্টুপ্,
অনুষ্টুপ্, বৃহতী,
পঙক্তি, জগতী,—সপ্ত ছন্দ;
দেবতা সপ্ত জন,—
অগ্নি, সূর্য্য, ইন্দ্র, বরুণ,
বৃহস্পতি, পবন,
বিশ্বদেব,—এ সপ্ত মন্ত্রে
সপ্তব্যাহতি যোগ;
পূত প্রাণায়াম পরায়ণ হয়ে
করিতেছি বিনিয়োগ।

ওঁ গায়ত্র্য। বিশ্বামিত্রঋষির্গায়ত্রীচ্ছন্দঃ সবিতা দেবতা
প্রাণায়ামে বিনিয়োগঃ ॥ ১৩ ॥

জয় গায়ত্রী মহান্ মন্ত্র,
জয়রে জয়রে জয়,
দ্রষ্টা বাহার বিশ্বামিত্র,
পবিত্র অতিশয় ;
ছন্দ মধুর গায়ত্রী তার,
দেবতা সবিতা যোগ ;
পূত প্রাণায়াম পরায়ণ হয়ে
করিতেছি বিনিয়োগ ।

ওঁ গায়ত্রীশিরসঃ প্রজাপতিঋষির্জ্যবায়ুর্মিসূর্য্যাস্ততশ্চো দেবতাঃ
প্রাণায়ামে বিনিয়োগঃ ॥ ১৪ ॥

জয় গায়ত্রী-শিরসি মন্ত্র,
ঋষি প্রজাপতি ষার ;
দেবতা ব্রহ্মা, বায়ু ও অগ্নি,
সূর্য্য—এই সে চা'র ।
পঞ্চ বায়ুরে পঞ্চ-পর্যাণে
পঞ্চে করিয়া যোগ,
পূত প্রাণায়াম পরায়ণ হয়ে
করিতেছি বিনিয়োগ ।

প্রাণায়াম

ওঁ নাভৌ রক্তবর্ণং চতুশ্চুখং দ্বিভুজম্ ।

অক্ষসূত্রকমণ্ডলুকরং হংসবাহনস্থং ব্রহ্মাণং ধ্যায়ন্ ॥ ১৫ ॥

ওঁ ভূঃ ওঁ ভুবঃ ওঁ স্বঃ ওঁ মহঃ ওঁ জনঃ ওঁ তপঃ ওঁ সত্যং ॥ ১৬

ওঁ তৎসবিতুর্বরেণিয়ং, ভর্গো দেবশ্চ ধীমহি ।

ধियो যো নঃ প্রচোদয়াৎ ॥ : ৭ ॥

ওঁ আপো জ্যোতী রসোহমৃতং, ব্রহ্ম ভূভুবঃ স্বরৌ ॥ ১৮ ॥

নাভি-দেশে ধ্যান করি এক মনে

পূরকে-অনুক্ষণ ;

লোহিতবর্ণ সৃষ্টিকর্তা

দ্বিভুজ চতুরানন ;

বাম হাতে তাঁর কমণ্ডলুটি,

দক্ষিণে জপমালা,

হংসবাহনে ব্রহ্মা-স্বরূপ

অপাণ করিয়া আলা ।

ভূ, ভুব, স্ব, মহ, জন, তপ আর

সত্য,—সপ্ত-লোক,

আলোকিত করি যে জ্যোতি বিরাজে

বরণীয় সেই হোক্ ।

ত্রিগুণ-তাপিত নিখিল জীবের

চির আরাধ্য-ধন ;

সৃষ্টি-স্থিতি-লয়কারী,—হোক্

ধ্যানে সদা বিলোকন ।

ধর্ম, অর্থ, কাম ও মোক্ষ
 এই চারি-রূপ কর্মে,
 তাঁর প্রেরণায় বুদ্ধি-বৃত্তি
 নিয়োজিত রহে মর্মে ।
 সে জ্যোতি ধরার চির-হেতুভূত
 নির্মল জলরাশি ;
 সে জ্যোতি নিয়ত মণি-মরকতে
 * তেজ-রূপে রহে হাসি ।
 তরু-তৃণ দলে, ওষধি-মরমে,
 রস-রূপে বহি' যায় ;
 নিখিল প্রাণীর অমৃত চেতনা
 সে বিলায়—সে বিলায় ।
 স্বর্গ-মর্ত্য-আকাশে প্রকাশ
 ধীরে ছাতি অনুরাগে,
 জয় জয় জয় পরম ব্রহ্ম !
 একা সে জগতে জাগে ।

ওঁ হৃদি নীলোৎপলদলপ্রভং চতুর্ভূজং শঙ্খচক্রগদাপদ্মহস্তং ।
 গরুড়াকূটং কেশবং ধ্যায়ন্ ॥ ১৯ ॥

ওঁ ভূঃ ওঁ ভুবঃ ওঁ স্বঃ ওঁ মহঃ ওঁ জনঃ ওঁ তপঃ ওঁ সত্যং ॥ ২০ ॥

ওঁ তৎসবিতুর্বরেনিয়ং, ভর্গো দেবশ্চ ধীমহি ।

ধियो যো নঃ প্রচোদয়াৎ ॥ ২১ ॥

*ওঁ আপো জ্যোতী রসোহমৃতং, ব্রহ্ম ভূভুবঃ স্বরৌ ॥ ২২ ॥

নীল-উৎপল-দলিত কান্তি,

ললিত চারিটি কর,

শব্দ, চক্র, গদা ও পদ্ম

ধারণ পুরুষবর ;

জয়রে জয়রে গরুড়-আকৃড়

বিষ্ণু শ্রীভগবান,

কুস্তক-ছলে হৃদয়-কমলে

পর্যাণে তাঁহার ধ্যান ।

ভূ, ভুব, স্ব, মহ, জন, তপ আর

সত্য,—সপ্ত-লোক,

আলোকিত করি যে জ্যোতি বিরাজে,

বরনীয় সেই হোক ।

ত্রিগুণ-তাপিত নিখিল জীবের

চির আরাধ্য-ধন ;

সৃষ্টি-স্থিতি-লয়কারী,—হোক

ধ্যানে সদা বিলোকন ।

ধর্ম, অর্থ, কাম ও মোক্ষ,

এই চারি-রূপ কন্ঠে,

তাঁর প্রেরণায় বুদ্ধি-বৃত্তি

নিয়োজিত রহে মন্ঠে ।

সে জ্যোতি ধরার চির-হেতুভূত

নির্মল জলরাশি ;

সে জ্যোতি নিম্নত মণি-মরকতে

ভেজ-রূপে রহে হাসি ।

তরু-তৃণ দলে, ওষধি-মরমে,
 রস-রূপে বহি' যায় ;
 নিখিল প্রাণীর অমৃত চেতনা
 সে বিলায়—সে বিলায় ।
 স্বর্গ-মর্ত্য-আকাশে প্রকাশ
 বীর হাতি অনুরাগে,
 জয় জয় জয় পরম ব্রহ্ম !
 একা সে জগতে জাগে ।

ওঁ ললাটে শ্বেতং দ্বিভুজং ত্রিশূলডমরুকরন্ ।
 অর্দ্ধচন্দ্রভালং ত্রিনেত্রং বৃষভারুঢং শস্ত্রং ধ্যায়ন্ ॥ ২৩ ॥
 ওঁ ভূঃ ওঁ ভুবঃ ওঁ স্বঃ ওঁ মহঃ ওঁ জনঃ ওঁ তপঃ ওঁ সত্যং ॥ ২৪ ॥
 ওঁ তৎসবিতুর্বারেণিয়ং, ভর্গো দেবশ্চ ধীমহি ।
 ধियो যো নঃ প্রচোদয়াৎ ॥ ২৫ ॥
 ওঁ আপো জ্যোতী রসোহমৃতং, ব্রহ্ম ভূভুবঃ স্বরোঁ ॥ ২৬ ॥

ত্রিশূল-ডমরু-ধারণ দ্বিভুজ,
 তুষার-বরণ জয়,
 অর্দ্ধচন্দ্র-বিভূষিত ভাল,
 ত্রিনয়ন তেজোময় ;
 বৃষভ-বাহন শস্ত্র স্বয়ং
 তাপহারী তমোনাশ ;
 ললাট-গগনে করিয়া ধ্যান
 রেচকে ছাড়িছু শ্বাস ।

ভূ, ভুব, স্ব, মহ, জন, তপ আর
 সত্য,—সপ্ত-লোক,
 আলোকিত করি যে জ্যোতি বিরাজে,
 বরণীয় সেই হোক ।
 ত্রিগুণ-তাপিত নিখিল জীবের
 চির আরাধ্য-ধন ;
 সৃষ্টি-স্থিতি-লয়কারী,—হোক
 ধ্যানে সদা বিলোকন ।
 ধর্ম, অর্থ, কাম ও মোক্ষ,
 এই চারি-রূপ কর্মে,
 তাঁর প্রেরণায় বুদ্ধি-বৃত্তি
 নিয়োজিত রহে মর্মে ।
 সে জ্যোতি ধরার চির-হেতুভূত
 নিম্নল জলরাশি ;
 সে জ্যোতি নিম্নত মণি-মরকতে
 ভেজ-রূপে রহে হাসি ।
 তরু-তৃণদলে, ওষধি-মরমে,
 রস-রূপে বহি' বায় ;
 নিখিল প্রাণীর অমৃত চেতনা
 সে বিলায়—সে বিলায় ।
 স্বর্গ-মর্ত্য-আকাশে প্রকাশ
 ঈশ্বর হ্র্যতি অনুরাগে,
 জয় জয় জয় পরমব্রহ্ম !
 একা সে জগতে জাগে ।

অন্তরাচমন

[প্রভাতে]

ওঁ সূর্য্যশ্চমেতি মন্ত্রস্ত ব্রহ্মঋষিঃ প্রকৃতিছন্দ আপো দেবতা
আচমনে বিনিয়োগঃ ॥ ২৭ ॥

ওঁ সূর্য্যশ্চ মা মন্যুশ্চ মন্যুপতয়শ্চ, মন্যুকৃতেভ্যঃ পাপেভ্যো ব্রহ্মস্তুতাং
যদ্রাত্ৰ্য্য পাপমকার্ষং মনসা বাচা, হস্তাভ্যাং পদ্যামুদরেণ শিশ্না ।
অহস্তদবলুপ্ততু, যৎ কিঞ্চ দুরিতং ময়ি
ইদমহং মামমৃতযোনৌ, সূর্য্যো জ্যোতিষি জুহোমি স্বাহা ॥ ২৮ ॥

সূর্য্য-মন্ত্র দ্রষ্টা সে ঋষি
ব্রহ্মা চতুরানন,
প্রকৃতি ছন্দ, সলিল দেবতা,
বিনিয়োগ আচমন ।

সূর্য্য ! যজ্ঞ ! যজ্ঞপতি হে
ইন্দ্রাদি মহীমান্ !
যজ্ঞ-জনিত ক্রটি-পাপ হতে
কর কর মোরে ত্রাণ ।
পদে, উপস্থে, উদরে, হস্তে,
বাক্যে কি মনে মনে,
গভীর নিশীথে যে পাপ করেছি
একান্ত নিরঞ্জে ;

হে দিবস ! ওগো পুণ্য আলোক !

সে পাতক কর নাশ,
বাকী পাপ আসি' গণ্ড ব মাঝে
এ সলিলে কর বাস ;
হৃদয়ে রাজিত পরমাত্মা যে
জ্যোতিময় ভগবান,
তাহারি চরণে হোম-ছলে এই
সলিল করিহু পান ।

[মধ্যাহ্নে]

ওঁ আপঃ-পুনঃস্থিতি মন্ত্ৰস্ত বিষ্ণুর্থা বিরমুর্ফুপ্ ছন্দ আপো দেবতা
আচমনে বিনিয়োগঃ ॥ ২৯ ॥

ওঁ আপঃ পুনস্ত পৃথিবীং, পৃথ্বী পূতা পুনাতু মাং ।
পুনস্ত ব্রহ্মগম্পতি, -ব্রহ্ম পূতা পুনাতু মাং ॥ ৩০ ॥
যতুচ্ছিষ্টমভোজ্যঞ্চ, যদ্বা দুশ্চরিতং মম ।
সর্বং পুনস্ত মামাপো,-হসতাক্ষ প্রতিগ্রহং স্বাহা ॥ ৩১ ॥

আপ-মন্ত্ৰের ধারি ত্রিবিষ্ণু,
ছন্দ অমুষ্টুপ,
দেবতা সলিল, বিনিয়োগ তার
আচমনে অমুরূপ ।

পৃথিবী-জাত এ পার্থিব দেহ
পাবিত কর হে জল !
হে পূত শরীর ! মম এ আত্মা
কর কর নিরমল ।

জ্ঞানের আলয় পরম-আত্মা
 হউন পরম তৃপ্ত ;
 আবাব—আবাব জীবাত্মা মম
 হউক তাহাতে দীপ্ত।
 যে উচ্ছিষ্ট হয়েছে ভুক্ত,
 অভক্ষ্য ভক্ষণ,
 অসংদান যে নিয়েছি, করেছি
 যে অসং আচরণ ;
 নিশ্চল পুত সলিল সমান
 হে অমল নারায়ণ !
 সে সকল পাপ-দুষ্কৃতি মম
 কর কর বিমোচন ।
 এ মম মস্ত্রে নিখিল পাতক
 করিলু আহতি দান ;
 আচমন-কালে আহতির ছলে
 করিতেছি জল পান ।

[সাগরে]

ওঁ অগ্নিশ্চমেতি মন্ত্রস্য রুদ্র ঋষিঃ প্রকৃতিশ্চন্দ আপো দেবতা
 আচমনে বিনিয়োগঃ ॥ ৩২ ॥
 ওঁ অগ্নিশ্চ মা মন্যুশ্চ মন্যুপতয়শ্চ, মন্যুকৃতেভ্যঃ পাপেভ্যো রক্ষস্তাং
 যদহা পাপমকার্ষং মনসা বাচা, হস্তাভ্যাং পদ্যামুদরেণ শিশ্না ।
 রাত্ৰিস্তদবলুপ্ততু, যৎ কিঞ্চ ছুরিতং ময়ি
 ইদমহং মাগমৃতযোনৌ, সত্যে জ্যোতিষি জুহোমি স্বাহা ॥৩৩॥

অগ্নি-মন্ত্রে ঋষি শ্রীকৃষ্ণ,
 প্রকৃতি ছন্দ-লয়,
 সলিল দেবতা, আচমন-কালে
 চির বিনিয়োগ হয় ॥

অগ্নি ! যজ্ঞ ! যজ্ঞপতি হে
 ইন্দ্রাদি মহীয়ান্ !
 যজ্ঞ-জনিত ক্রটি-পাপ হতে
 কর কর মোরে ত্রাণ ।
 পদে, উপস্থে, উদরে, হস্তে,
 বাক্যে কি মনে মনে,
 সারা এ দিবসে যে পাপ করেছি
 স্বজনে কি নিরজনে ;
 হে রজনী ! ওগো শাস্ত শীতল !
 সে পাতক কর নাশ,
 বাকী পাপ আসি' গণ্ডুষ মাঝে
 এ সলিলে কর বাস ;
 অমৃত সত্য পরমাত্মা যে
 জ্যোতিময় ভগবান,
 তাঁহারি চরণে হোম-ছলে এই
 সলিল করিছু পান ।

আপোমার্জন

ওঁ ॥ ৩৪ ॥

তুভু বঃ স্বঃ ॥ ৩৫ ॥

তৎসবিতুর্বরেণিয়ং, ভর্গো দেবশু ধীমহি ।

ধियो যো নঃ প্রচোদয়াৎ ॥ ৩৬ ॥

পৃথিবী-আকাশ-স্বর্গ ব্যাপিয়া

সবিতা বিরাজমান ;

বরেণ্য সেই চৈতন্তের

জ্যোতি সদা করি ধ্যান ।

সে জ্যোতির দানে নিখিল জগৎ

তৃপ্ত অপরিমিত ;

তঁার প্রেরণায় বুদ্ধি-বৃত্তি

রহে সদা নিয়োজিত ।

ধ্যান কর তঁারে, ধ্যান কর সদা,

ধ্যান কর ওরে মন !

সৃষ্টি-স্থিতি-প্রলয়-কর্তা

জ্যোতির্ময় সে জন ।

ওঁ আপোহিষ্ঠেতি ঋক্ ত্রয়শ্চ সিন্ধুদ্বীপঋষির্গায়ত্রীচ্ছন্দ আপো দেবতা

আপোমার্জনে বিনিয়োগঃ ॥ ৩৭ ॥

ওঁ আপো হি ষ্ঠা ময়োভুব, -স্তা ন উর্জে দধাতন ।

মহে রণায় চক্ষসে ॥ ৩৮ ॥

ওঁ যো বঃ শিবতমো রস, -স্তশ্চ ভাজয়তেহ নঃ ।

উশতীরিব মাতরঃ ॥ ৩৯ ॥

ওঁ তস্মা অরং গমাম বো, যন্ত ক্ষয়ায় জিন্থথ ।

আপো জনয়থা চ নঃ ॥ ৪০ ॥

পূত সলিলের যে তিনটি ঋক্
 মার্জনে অগুবন্ধ,
 সিদ্ধদ্বীপ ঋষিই দ্রষ্টা,
 গায়ত্রী তার ছন্দ ;
 মরু-জলাশয়ে সিদ্ধ ও কূপে
 যে জল উছলি বয়,
 সেই তো দেবতা ; জল-মার্জনে
 চির বিনিয়োগ হয় ।

হে জল ! তোমরা সকল সুখের
 নিদান—তোমরা নিদান
 বিতর অন্ন ; রমণীয় জনে
 দেখাবার কর বিধান ।
 সম্ভানবতী জননী যেমন
 স্তন্য করয়ে দান,
 হে জল ! তোমার মঙ্গল-রস
 তেমনি করাও পান ।
 হে জল ! যে রসে করেছ তৃপ্ত
 যাবতীয় ভূত-প্রাণী,
 ধন্য কর হে, অনন্ত মোরে,
 সেই শুভ রস দানি ।

অঘমর্ষণ

ওঁ ঋতমিত্যশ্চ অঘমর্ষণঋষিরনুষ্টুপ্ ছন্দো ভাববৃত্তো দেবতা
অশ্বমেধাবভূথে বিনিয়োগঃ ॥ ৪১ ॥

ওঁ ঋতঞ্চ সত্যঞ্চাভীক্ষা, -তুপসোহধ্যজায়ত ।
ততো রাত্রিয়াজায়ত, ততঃ সমুদ্রোঅর্ণবঃ ॥ ৪২ ॥

ওঁ সমুদ্রাদর্শবাদধি, সংবৎসরো অজায়ত ।
অহোরাত্রাণি বিদধদ, বিশ্বশ্চ মিষতো বশী ॥ ৪৩ ॥

ওঁ সূর্যাচন্দ্রমসৌ ধাতা, যথাপূর্ব্বমকল্পয়ৎ ।
দিবঞ্চ পৃথিবীঞ্চা, -স্তরীক্ষমথো ঋঃ ॥ ৪৪ ॥

ঋত-সত্যাদি মন্ত্রের ঋষি

অঘমর্ষণ নাম,

ছন্দ মধুর অনুষ্টুপ্

—গম্ভীর প্রাণারাম ;

ভাববৃত্তই দেবতা তাহার

পাপ-পিশাচের অরি ;

পাপরূপী অঘ-অশ্বমেধেতে

বিনিয়োগ তারে করি ।

মহা-প্রলয়ের নিকষ তিমিরে

ছিল না তো কেহ আন ;

ঋত ও সত্য পরমব্রহ্ম

কেবল বিরাজমান ।

প্রলয়ের শেষে প্রাক্তন-বশে
 জনমিল অর্ণব ;
 বারিধি-বক্ষ বিদারি হইল
 বিধাতার উদ্ভব ।
 বিশাল বিশ্ব নিৰ্ম্মাণ-পটু
 বিধির নয়ন লাগি,
 ধারে ধীরে ধীরে সূর্য্য-চন্দ্র
 উঠিল গগনে জাগি ।
 দিবস-রজনী আনাগোনা করি
 জাগালো বরষ-মাস ;
 চির নন্দিত নন্দন জাগি
 হইল রে পরকাশ ।
 রমণীয় ধরা হাসিল পুলকে
 উদার আকাশ তলে ;
 একি রে দৃষ্টি ! সৃষ্টি ফুটিল,
 বেষ্টিত জলে জলে ।

সূর্য্যোপস্থান

ॐ ভূভুবঃ স্বঃ ।
 তৎসবিতুর্বরেনিয়ং, ভর্গো দেবশ্চ ধীমহি ।
 ধियो যো নঃ প্রচোদয়াৎ ॥ ৪৫ ॥

পৃথিবী-আকাশ-স্বৰ্গ ব্যাপিয়া
সবিতা বিরাজমান ;
বরেণ্য সেই চৈতন্তের
জ্যোতি সদা করি ধ্যান ।
সে জ্যোতির দানে নিখিল ভুবন
তৃপ্ত অপরিমিত ;
তঁার প্রেরণায় বুদ্ধি-বৃত্তি
রহে সদা নিয়োজিত ।
তঁাহার সৃষ্টি, সে করে পুষ্টি,
পুন প্রবিষ্ট তাঁতে ;
পরমব্রহ্ম সে জ্যোতির দ্যুতি
ধ্যানের আলোকে ভাতে ।

ওঁ উত্থ্যমিত্যস্ত প্রস্কণ্ণাষির্গায়ত্রীচ্ছন্দঃ সূর্যো দেবতা
সূর্যোপস্থানে বিনিয়োগঃ ॥ ৪৬ ॥

ওঁ উত্থ ত্যং জাতবেদসং, দেবং বহন্তি কেতবঃ ।
দৃশে বিশ্বায় সূর্য্যম্ ॥ ৪৭ ॥

উর্দ্ধগামী এ শুদ্ধ মন্ত্র,
ঋষি যার প্রস্কণ্ণ,
চ্ছন্দ দিব্য পূত গায়ত্রী,
সূর্য্য দেবতা ধত্ত ;
জ্যোতি-ভগবান সূর্য্যদেবের
উপাসনা-কালে যোগ,

(৩৯)

একান্ত মনে অন্তরাকাশে

করি তার বিনিয়োগ।

শাস্ত্রত সেই রশ্মি সকল

বিস্তর করিতে আলো,

ভাস্কর-দেবে উর্দ্ধে তুলিয়া

ধরেছে ধরেছে ভালো।

ওঁ চিত্রগিত্যস্ত কুৎসখাষিত্রিফুপ্ ছন্দঃ সূর্যো দেবতা

সূর্যোপস্থানে বিনিয়োগঃ ॥ ৪৮ ॥

ওঁ চিত্রং দেবানামুদগাদনীকং, চক্ষুর্মিত্রস্ত বরুণস্তাগ্নেঃ ।

তাপ্রা ত্বাবাপৃথিবীধান্তরীক্ষং, সূর্য্য আত্মা জগতন্তুষ্ণশ্চ ॥ ৪৯ ॥

বিচিত্র পূত চিত্র-মস্ত্র

কুৎস ঋষির গান,

ছন্দ মধুর ত্রিষ্টুপ, দেব

ত্রীশূর্য্য-ভগবান ;

ভর্গদেবের অর্চনা-কালে

হয় তার বিনিয়োগ ;

তেজময় রূপে, তেজের স্বরূপে,

তেজ করি উপভোগ।

মিত্র-বরুণ-অগ্নির যিনি

নেত্র-মধ্যমণি,

সকল-দেবতা-বেষ্টিত এক

সমষ্টি হ্যতি-ধনি ;

স্থাবর কিম্বা জঙ্গম-ভূতে
আত্মা-রূপে নিবাসে,
উদিত উজ্জল সে সূর্য্যদেব
অপরূপ-রূপে হাসে।
দিকে-দিকে জালি কিরণ-মালিকা
ঠিকরে গগনময় ;
স্বর্গ-মর্ত্য-ব্যোম আলোকিত,
জয়রে জয়রে জয়।

স্মরণ-প্রণতি

[প্রভাতে ও মধ্যাহ্নে]

- ওঁ নমো ব্রহ্মণে ॥ ৫০ ॥
ওঁ নমো ব্রাহ্মণেভ্যো ॥ ৫১ ॥
ওঁ নম আচার্য্যেভ্যো ॥ ৫২ ॥
ওঁ নম ঋষিভ্যো ॥ ৫৩ ॥
ওঁ নমো দেবেভ্যো ॥ ৫৪ ॥
ওঁ নমো বেদেভ্যো ॥ ৫৫ ॥
ওঁ নমো বায়বেচ ॥ ৫৬ ॥
ওঁ নমো মৃত্যবেচ ॥ ৫৭ ॥
ওঁ নমো বিষণ্ণবেচ ॥ ৫৮ ॥
ওঁ নমো বৈশ্রবণায়চোপজায়ত ॥ ৫৯ ॥

সৃষ্টিকর্তা ব্রহ্মা-চরণে

করি গো দণ্ডবৎ ।

জগৎ-রক্ষক ব্রাহ্মণগণে

করি গো দণ্ডবৎ

জ্ঞান-দানকারী আচার্য্যগণে

করি গো দণ্ডবৎ ।

মহৎ-সৃজনকারী ঋষিগণ

চরণে দণ্ডবৎ ।

নিখিল ভূতের অধিকারী দেব-

গণেরে দণ্ডবৎ ।

বিধানকর্তা বেদের চরণে

অশেষ দণ্ডবৎ ।

নিখিল প্রাণীর প্রাণরক্ষক

বায়ুরে দণ্ডবৎ ।

স্বত্ব্যবিধারী ধর্ম্মরাজের

চরণে দণ্ডবৎ ।

জগৎ-পালক বিষ্ণু-চরণে

করি গো দণ্ডবৎ ।

জীবিকা-যাপনে প্রধান ষোটক

কুবেরে দণ্ডবৎ ।



গায়ত্রী-শাপোদ্ধার

[প্রভাতে]

ওঁ গায়ত্র্যা ব্রহ্মশাপবিমোচন মন্ত্রস্য ব্রহ্মঋষির্গায়ত্রীচ্ছন্দেঃ

ব্রহ্মদেবতা ব্রহ্মশাপবিমোচনে বিনিয়োগঃ ॥ ৬০ ॥

ওঁ গায়ত্রি ত্বং যদব্রহ্মেতি ব্রহ্মবিদো বিদুস্ত্বাম্ ।

পশ্যন্তি ধীরাঃ স্তুমনসো বা ॥

গায়ত্রি ত্বং ব্রহ্মশাপাদ্বিমুক্তা ভব ॥ ৬১ ॥

ব্রহ্মশাপের মোচন মন্ত্রে

দ্রষ্টা ব্রহ্মা জয়,

ছন্দ মধুর গায়ত্রী তার,

দেবতা ব্রহ্ম হয় ;

ব্রহ্মশাপের বিমোচন-আশে

করিতেছি বিনিয়োগ ;

শাপ-বিমুক্তা দেবী গায়ত্রী

হও আসি হেথা যোগ ।

হে দেবী গায়ত্রী !

ব্রহ্মবিদেরা জানে তুমি সেই

ব্রহ্ম-স্বরূপ-ধাত্রী ।

প্রশান্ত-চিত্ত ধীর বৃধগণ

তব মহিমায় যুক্ত ;

ব্রহ্ম-শাপের নিগড় হইতে

হও হও দেবী, মুক্ত ।

ওঁ গায়ত্র্যা বশিষ্ঠশাপবিমোচন মন্ত্রস্ত বশিষ্ঠঋষিরনুষ্টুপ্ ছন্দে।
ব্রহ্মবিষ্ণুরুদ্রাদেবতাঃ বশিষ্ঠশাপবিমোচনে বিনিয়োগঃ ॥ ৬২ ॥

ওঁ অর্কজ্যোতিরহং ব্রহ্মা, ব্রহ্মজ্যোতিরহং শিবঃ ।
শিবজ্যোতিরহং বিষ্ণু, বিষ্ণুজ্যোতিরহং শিবঃ ॥
গায়ত্রি ত্বং বশিষ্ঠশাপাদ্বিমুক্তা ভব ॥ ৬৩ ॥

বশিষ্ঠ-শাপমোচন মন্ত্রে
ঋষি বশিষ্ঠ নাম,
ছন্দ মধুর অনুষ্টুপ্ টি
সুন্দর অভিরাম ;
দেবতা ব্রহ্মা, বিষ্ণু, রুদ্র,
এ তিন স্বরূপ যোগ,
বশিষ্ঠ-শাপ বিমোচন-আশে
করিতোঁছ বিনিয়োগ ।

সূর্য্য-জ্যোতি-স্বরূপ আমিই
ব্রহ্মা,—নহি তো জীব,
ব্রহ্মা-জ্যোতি-স্বরূপ আমিই
শিব—শিব—আমি শিব ;
শঙ্কু-জ্যোতি-স্বরূপ আমিই
বিষ্ণু,—নহি তো জীব,
বিষ্ণু-জ্যোতি-স্বরূপ আমিই
শিব—শিব—আমি শিব ।

ওঁ গায়ত্রী বিশ্বামিত্রশাপবিমোচন মন্ত্রস্ত বিশ্বামিত্র ঋষিরনুষ্ঠাপ
 ছন্দো গায়ত্রী দেবতা বিশ্বামিত্রশাপবিমোচনে বিনিয়োগঃ ॥৬৪॥

ওঁ অহো দেবি মহাদেবি, দিব্যে সন্ধ্যে সরস্বতি ।
 অজরে অমরে চৈব, ব্রহ্মাযোনি নমোহস্ততে ॥
 গায়ত্রি হং বিশ্বামিত্রশাপাদ্বিমুক্তা ভব ॥ ৬৫ ॥

বিশ্বামিত্র-শাপ বিমোচনে
 ঋষি শ্রীবিশ্বামিত্র,
 ছন্দ মধুর অনুষ্ঠাপ্টি
 সুন্দর সুপবিত্র ;
 এই মন্ত্রের দেবতা-স্বরূপে
 গায়ত্রী শুভ যোগ,
 বিশ্বামিত্র-শাপ বিমোচনে
 করিতেছি বিনিয়োগ ।

এস এস দেবী, এস গায়ত্রী,
 এস মহাদেবী অজরা !
 এস হে সন্ধ্যা, সরস্বতী হে,
 এস হে দিব্যা অমরা !
 শাপ-বিমুক্তা দেবী গায়ত্রী,
 এস এস এস নিত্য ;
 নির্মল রূপে উজ্জলিয়া এস,
 এ মম ক্ষুধিত চিত্ত ।

গায়ত্রী-আবাহন

ওঁ আয়াহি বরদে দেবি ত্র্যম্বক্রে ব্রহ্মবাদিনি ।

গায়ত্রীচ্ছন্দসাং মাতব্রক্ষ্যোনি নমোহস্তুতে ॥ ৬৬ ॥

এস এস বরদাত্রী !

অক্ষর-ত্রয়-সমন্বিতা হে,

ব্রহ্মবাদিনী ধাত্রী !

ছন্দের মাতা দেবী গায়ত্রী,

পরমব্রহ্ম-জ্ঞাতা !

বেদ-প্রকাশিনী জননী ! তোনার

চরণে নোয়াই মাথা ।

ওঁ গায়ত্র্য বিশ্বামিত্রঞ্চ বির্গায়ত্রীচ্ছন্দঃ সবিতা দেবতা

জপোপনয়নে বিনিয়োগঃ ॥ ৬৭ ॥

জয় গায়ত্রী মহান্ মন্ত্র,

জয়রে জয়রে জয়,

দ্রষ্টা যাহার বিশ্বামিত্র

পবিত্র অতিশয় ;

ছন্দ মধুর গায়ত্রী তার,

দেবতা সবিতা বোগ,

জপ-বলে সেথা হব উপনীত,

সেই আশে বিনিয়োগ !



শ্রাস

হৃদি ওঁ ॥ ৬৮

শিরসি ওঁ ভূঃ ॥ ৬৯ ॥

শিখায়াং ওঁ ভুবঃ ॥ ৭০ ॥

সর্বগাত্রেষু ওঁ স্বঃ ॥ ৭১ ॥

করতলদ্বয়ে ওঁ তৎসবিতুর্বরেণিয়ং, ভর্গো দেবশ্চ ধীমহি ।

ধियो যো নঃ প্রচোদয়াৎ ॥ ৭২ ॥

হৃদয়ে,—স্বজন-পালন-লয়ের

কর্তা, জয়রে জয় ;

শিরসিতে,—ত্বা বা দীপ্ত পৃথিবী,

জয়রে জয়রে জয় ।

শিখায়,—উদার অমল গগন,

জয়রে জয়রে জয় ;

সর্ব শরীরে,—চির নন্দিত

নন্দন, জয় জয় ।

করতল দ্বয়ে,—সেই সে সবিতা

বরেন্দ্র দাতা ভর্গ,

বুদ্ধি-বৃদ্ধি প্রেরণা বাহার,

দাও তাঁরে ধ্যান-অর্ঘ্য ।

ধ্যান

[প্রভাতে]

ওঁ কুমারীং ঋগ্বেদযুতাং ব্রহ্মরূপাং বিচিস্তয়েৎ ।

হংসস্থিতাং কুশহস্তাং সূর্য্যমণ্ডলসংস্থিতাম্ ॥ ৭৩ ॥

ধ্যেওরে গায়ত্রী !

নম্র সূর্য্যমণ্ডল মাঝে

ঋগ্বেদ-বিধি-ধাত্রী ।

প্রভাতে কুমারী কণ্ঠা-মুরতি,

শ্রীহস্তে কুশ রাজে ;

সৃজনকারিণী ব্রহ্মা-রূপিণী

হংসবাহিনী সাজে ।

[মধ্যাহ্নে]

ওঁ সাবিত্রীং বিষ্ণুরূপাঞ্চ তাক্ষ্যস্থ্যং পীতবাসসীম্ ।

যুবতীঞ্চ যজুর্বেদাং সূর্য্যমণ্ডলসংস্থিতাম্ ॥ ৭৪ ॥

ধ্যেওরে সাবিত্রী !

এ মধ্যাহ্নে জননী যুবতী,

যজুর্বেদের ধাত্রী !

জগৎ-পালিনী বিষ্ণুরূপিণী

পীত-অম্বর সাজে ;

দীপ্ত সূর্য্যমণ্ডল মাঝে

গরুড়বাহনে রাজে ।

[সায়াক্ষে]

ওঁ সরস্বতীং শিবরূপাং বৃদ্ধাং বৃষভবাহিনীম্ ।

সূর্য্যমণ্ডলমধ্যস্থ্যং সামবেদসমায়ুতাম্ ॥ ৭৫ ॥

ঘোঙরে গায়ত্রী !

শান্ত শীতল শ্রাম সায়াছে

সামবেদ-বিধি-ধাত্রী !

স্নিগ্ধ সূর্য্যমণ্ডল মাঝে

প্রলয়ঙ্করী বৃদ্ধা ;

শিব-স্বরূপিণী বৃষভবাহিনী

ত্রীসরস্বতী বিত্তা ।

গায়ত্রী

ওঁ ভূভুবঃ স্বঃ ।

তৎসবিতুর্বরেণিয়ং, ভর্গো দেবস্য ধীমহি !

ধিরো যো নঃ প্রচোদয়াৎ ওঁ ॥ ৭৬ ॥

সৃষ্টি-স্থিতি-প্রলয়-কর্তা

ব্রহ্ম-প্রণব জয় !

ভুবন-গগন-নন্দন-ব্যাপী

সবিতা জ্যোতির্ময় ;

বরণীয় সেই জ্যোতি করি ধ্যান,

সে দানে নিখিল তৃপ্ত

তার প্রেরণায় বুদ্ধি-বৃত্তি

সকল কর্মে দীপ্ত ।

সৃজন-পালন-লয়

ব্রহ্ম-প্রণব জয় !

গায়ত্রী-বিসৰ্জন

ওঁ মহেশবদনোৎপল্লা বিমোহদয় সন্তবা ।

ব্রহ্মণা সমনুজ্জাতা গচ্ছ দেবি যথেষ্টয়া ॥ ৭৭ ॥

মহেশ্বরের শ্রীবদনে তব

উত্তব,—জয় দেবী হে !

বিষ্ণু-হৃদয়ে বাস সন্তব,

জয় জয় জয় দেবী হে !

ব্রহ্মাই জানে মহিমাব কথা,

জয় জয় জয় দেবী হে !

যাও এবে তথা, মন চলে যথা,

চরণে প্রণতি দেবী হে !

ওঁ অনেন জপেন ভগবন্তাবাদিত্যশুক্ৰৌ প্রীয়েতাম্ ।

ওঁ আদিত্যশুক্ৰাভ্যাং নমঃ ॥ ৭৮ ॥

নমো আদিত্য-ভগবান জয়

শুক্ৰ-দেবতা ওহে !

আমার এ পুত গায়ত্রী জপে

তৃপ্ত হউন দৌহে ।

আত্মরক্ষা

ওঁ জাতবেদসইত্যশ্ব কাশ্যপঋষির্জিহ্মপু ছন্দোহমিদেবতা

আত্মরক্ষায়াং জপে বিনিয়োগঃ ॥ ৭৯ ॥

ওঁ জাতবেদসে স্ননবাম সোম,-মরাভীয়তো নি দহাতি বেদঃ ।

স নঃ পৰ্বদতি দুর্গাণি বিশ্বা, নাবেব সিন্ধুং ছুরিতাত্ময়িঃ ॥৮০॥

জাতবেদস এ মন্ত্রের ঋষি
কশ্যপ জন্ম জয়,
ছন্দ মধুর ত্রিষ্টুপ্ তার,
দেবতা অগ্নি হয় ;
আত্ম-চেতনা রক্ষা করে
জপ-যজ্ঞের যোগ,
আত্মরক্ষা মহান্ মন্ত্রে
করিতেছি বিনিয়োগ ।

হে জাতবেদস দীপ্তি !
সোম-যজ্ঞের এ অনুষ্ঠানে
হোক হে তোমার তৃপ্তি ।
হে সর্বভূক লোহিত পাবক !
যুচাও মোদের ত্রাস ;
রিপুর যা' কিছু বিস্ত-বিভব
সকল কর হে নাশ ।
নাবিক যেমন তরণী বাহিয়া
সিদ্ধু করায় পার,
তমনি তরাও পাপের পাথারে,
হর এ দুখের ভার ।

রুদ্রোপস্থান

ওঁ ঋতমিত্যশ্চ কালাগ্নিরুদ্রঋষিরমুষ্ঠুপ্ ছন্দো রুদ্রোদেবতা
রুদ্রোপস্থানে বিনিয়োগঃ ॥ ৮১ ॥

ওঁ ঋতং সত্যং পরং ব্রহ্ম, পুরুষং কৃষ্ণপিঙ্গলম্ ।
উর্দ্ধলিঙ্গং বিরূপাক্ষং, বিশ্বরূপং নমো নমঃ ॥ ৮২ ॥

ঋতসত্যাদি মন্ত্র-মহান্
জয়রে জয়রে জয়,
ঋষি কালাগ্নিরুদ্র বাহার,
দেবতা রুদ্র হয় ;
ছন্দ মধুর অমুষ্ঠুপ্টি,
উপাসনা-কালে যোগ,
এ মম রুদ্রোপস্থানে আমি
করি তার বিনিয়োগ ।

একাক্ষর সে নিত্য-সত্য
পরমব্রহ্ম যিনি,
লিঙ্গ-ত্রয়-অতীত পুরুষ,
অনাদি-কারণ তিনি ।
প্রকৃতি-পুরুষ জড়িত—কৃষ্ণ-
পিঙ্গল অভিরাম ;
প্রলয়াত্মক-জ্ঞান-অগোচর—
উর্দ্ধলিঙ্গ নাম ।

চক্রে-সূর্য্য-বহ্নি বাঁহার

তিনয়ন—বিরূপাক্ষ

বিশ্বের যিনি নিখাস বায়ু,

বিশ্ব বাঁহার সাক্ষ্য ।

জয়রে জয়রে বিরাট পুরুষ,

চরণে রছক মতি ;

অসংখ্য বার নিত্য তোমারে

করি অসংখ্য নতি :

তর্পণ

ওঁ ব্রহ্মণে নমঃ ॥ ৮৩ ॥

ওঁ বিষ্ণুবে নমঃ ॥ ৮৪ ॥

ওঁ রুদ্রায় নমঃ ॥ ৮৫ ॥

ওঁ বরুণায় নমঃ ॥ ৮৬ ॥

সৃষ্টিকর্ত্তা ব্রহ্মা-চরণে

করিহু এ জলদান ।

পালনকর্ত্তা বিষ্ণু-জীবনে

করিহু এ জলদান ।

সংহারকারী রুদ্র-ভীষণে

করিহু এ জলদান ।

বারি-অধিকারী বরুণ-চরণে

করিহু এ জলদান ।

ব্রহ্মযজ্ঞ

[মধ্যাহ্নে]

ওঁ ভূভূবঃ স্বঃ ।

তৎসবিতুর্বরেনিয়ং, ভর্গো দেবস্য ধীমহি ।

ধियो যো নঃ প্রচোদয়াৎ ওঁ ॥ ৮৭ ॥

সৃষ্টি-স্থিতি-প্রলয়-কর্তা

ব্রহ্ম-প্রণব জয় !

ভুবন-গগন-নন্দন-বাপী

সবিতা জ্যোতির্শ্রয় ;

বরণীয় সেই জ্যোতি করি ধ্যান,

সে দানে নিখিল তৃপ্ত ;

তার প্রেরণায় বুদ্ধি-বৃদ্ধি

সকল কর্মে দীপ্ত ।

সৃজন-পালন-লয়

ব্রহ্ম-প্রণব জয় !

ওঁ অগ্নিমীড়ইত্যশ্ব মধুছন্দাঋষির্গায়ত্রীচ্ছন্দোহগ্নিদেবতা

ব্রহ্মযজ্ঞজপে বিনিয়োগঃ ॥ ৮৮ ॥

ওঁ অগ্নিমীড়ে পুরোহিতং, যজ্ঞস্য দেবমুহ্বিজং ।

হোতারং রত্নধাতমং ॥ ৮৯ ॥

অগ্নিমীড় এ মন্ত্রের ঋষি

শ্রীমধুছন্দ নাম,

অগ্নিদেবতা, ছন্দটি তার

গায়ত্রী অনুরূপাম ;

ব্রহ্মযজ্ঞ অনুষ্ঠানের

জপ-কালে তার যোগ,

ঋগ্বেদ-পুত্ৰ স্বাধ্যায়ে আমি

করিতেছি বিনিয়োগ ।

পবিত্রতম যজ্ঞভূমির

পুরোভাগে যার স্থান,

পুরোহিত যিনি, ঋত্বিক যিনি,

সতত দীপ্যমান ;

যিনি হোতা, যিনি চির-হবনীয়,

যিনি শুভফলদাতা,

অশেষ রত্ন বিতরে যে জন,

গাই তাঁর গুণ-গাথা ।

ওঁ ইষেহৈত্যশ্র যাজ্ঞবল্ক্য ঋষিরুষ্ণিক্ ছন্দো বায়ুর্দেবতা

ব্রহ্মযজ্ঞজপে বিনিয়োগঃ ॥ ৯০ ॥

ওঁ ইষে হোজ্জৈত্বা বায়বঃ স্তু, দেবো বঃ সবিতা প্রার্পয়তু ॥

শ্রেষ্ঠতমায় কৰ্ম্মণে ॥ ৯১ ॥

ইষে-মন্ত্রের দ্রষ্টা সে ঋষি

যাজ্ঞবল্ক্য জয়,

ছন্দ তাহার উষ্ণিক্, আর

দেবতা পবন হয় ;

ব্রহ্মযজ্ঞ অনুষ্ঠানের

জপ-কালে তার যোগ,

যজুর্বেদের স্বাধ্যায়ে আমি
করিতেছি বিনিয়োগ ।

ওগো শাখি ! ওগো বিটপী ! তোমারে
এই যে হনন করি,
বিনিময়ে মেঘ বরষি, অন্ন
দাও তুমি থালি ভরি ।

তোমারি দয়াল যজ্ঞ-জনিত
গগনে ধূমের রাশি,
মেঘের আকারে সেই ধূমে যাবে
শস্ত্রক্ষেত্র ভাসি ;
ফলিবে ধান্ত, আমরা অন্ন
উদর পুরিয়া খাব ;
ওগো দাতা শাখি ! তোমার দানের
তুলনা কোথায় পাব ?

বৎসতর রে গোপাল-বৃন্দ !
মা'কে ছেড়ে যাও এবে,
নহিলে হৃদ্ধ পাবনা মুক্ত !
অন্ন বা কেবা দেবে ?
হৃদ্ধ-জাত যে-স্বতের হব্য
যাগ-কালে প্রয়োজন,
সে মধু হব্য বহিয়া বহি
দিবে শুভ বরিষণ ;

ক্ষেত্র ভরিয়া ফলিবে শস্য,
 বিশ্ব বাহাতে বাঁচে,
 স্তন ছাড়ি যাও বাছারা আমার !
 থেকো না মায়ের কাছে ।
 ওগো গাভী ! দেব সবিতা তোদের
 রুগুণ এমন মতি,
 প্রচুর রসাল তৃণময় বনে
 হোকু রে তোদের গতি ।

ওঁ অগ্ন-আয়াহীত্যস্ত ভরদ্বাজ ঋষির্গায়ত্রী ছন্দোহগিদেবতা
 ব্রহ্মযজ্ঞজপে বিনিয়োগঃ ॥ ৯২ ॥

ওঁ অগ্ন আয়াহি বীতয়ে, গৃণানো হব্যদাতয়ে ।
 নি হোতা সৎসি বর্হিষি ॥ ৯৩ ॥

অগ্ন-আয়াহি মন্ত্রের ঋষি
 ভরদ্বাজ মহান্ ।
 অগ্নি দেবতা, শুভ গায়ত্রী
 মধুর ছন্দ-গানঃ;
 ব্রহ্মযজ্ঞ অনুষ্ঠানের
 জপকালে তার যোগ,
 সামবেদ-পূত স্বাধ্যায়ে আমি
 করিতেছি বিনিয়োগ ।

এস হে অগ্নি এস !
 বিছায়ে রেখেছি দর্ভ-আসন,
 হোতা হয়ে হেথা বস ।

সাদর আহতি করিহু প্রদান,

কর কর ভক্ষণ ;

নন্দন-বাগী দেবগণে ইহা

করিয়ো হে বিতরণ ।

ওঁ শম্মোদেবীরিত্যস্ত পিপ্পলাদ ঋষির্গায়ত্রীচ্ছন্দ আপো দেবতা
শান্তিকরণে বিনিয়োগঃ ॥৯৪ ॥

ওঁ শম্মো দেবীরভিষ্ঠয়, আপো ভবন্তু পীতয়ে ।

শং যোরতি অবন্তু নঃ ॥ ৯৫ ॥

শম্মো-মন্ত্র দ্রষ্টা সে ঋষি

জয়রে পিপ্পলাদ,

ছন্দ নধুর গায়ত্রী, জল

দেবতা পূরাও সাধ ;

ব্রহ্মযজ্ঞ অমৃষ্ঠানের

শান্তিকরণে যোগ,

অথর্কবেদ স্বাধ্যায়ে আমি

করিতেছি বিনিয়োগ ।

সলিল-দেবতা জয় !

সুখকর তব শীতল পরশে

করহে পাতক ক্ষয় ।

যজ্ঞ-জীবন তুমি জল ! পানে

পিপাসা মিটে হে সত্ত্ব ;

সর্ক বেষাধি করিতে থর্ক

তব সম নাই বৈজ্ঞ ।

(৫৮)

জনমের আগে কত ব্যাধি তুমি
করে দাও দেহ-ছাড়া ;
নিখিল জগতে বহিরা তৃপ্তি
বর্ষণ কর ধারা ।

সূর্য্যার্ঘ্য

ওঁ নমো বিবস্বতে ব্রহ্মণ্ ভাস্বতে বিষ্ণুতেজসে ।
জগৎ-সবিত্রে শুচয়ে সবিত্রে কৰ্ম্মদায়িনে ॥
ইদমর্ঘ্যং ওঁ ভগবতে শ্রীসূর্য্যভট্টারকায় নমঃ ॥ ৯৬ ॥

পরমব্রহ্ম বিবস্বত হে,
সবিতা দীপ্তমান্ !

হে বিষ্ণু মহা-তেজের আধার,
বিগুহ্য ভগবান !

ব্রহ্মাণ্ডের কর্তা গো তুমি,
কৰ্ম্ম-প্রবর্তক !

দ্রাতিতে জগৎ করেছ প্রসব,
হে দেব ভট্টারক !

ভাস্কর তুমি, তোমার চরণে
দিবু এ অর্ঘ্য-হার ;

তোমাতে নমস্কার হে সূর্য্য !

তোমাতে নমস্কার ।

ওঁ জবাকুস্তমস্কাশং কাশ্চপেয়ং মহাদ্র্যতিম্ ।
ধ্বান্তারিং সর্বপাপহ্নং প্রণতোহস্মি দিবাকরম্ ॥ ৯৭ ॥

রক্ত-জবার দীপ্ত বর্ণ

পাতক-ঘাতক হরি !

কণ্ঠপ-ধ্বি-আত্মজ তুমি,

অন্ধকারের অরি ;

মহাত্ম্যতিশালী দিবাকর ! তব

চরণে লুটাই মাথা,

লহ এ প্রণাম লোহিত-লোচন !

ত্রিলোক-আলোক-দাতা !

ক্ষমাপণ

ঐ যদক্ষরং পরিত্রফং মাত্রাহীনঞ্চ যন্তবেৎ ।

পূর্ণং ভবতু তৎসর্বং ত্বৎপ্রসাদাৎ সুরেশ্বরী ॥ ৯৮

হে সুরেশ্বরী গায়ত্রী দেবী !

কর কর অবধান ;

এ মম সন্ধ্যা-উপাসনা-গানে

কর সফলতা দান ।

অক্ষর যদি হয়ে থাকে ভুল,

মাত্রাবিহীন যদি,

তোমার প্রসাদে সব ত্রুটি গিয়া

হোক হে পূর্ণপদী ।

প্রণাম

ওঁ নমো ব্রহ্মণ্যদেবায় গোব্রাহ্মণহিতায় চ ।

জগদ্ধিতায় কৃষায় গোবিন্দায় নমো নমঃ ॥ ৯৯ ॥

হে ব্রহ্মণ্য-দেব হে !

নমামি রাতুল চরণ-রাজীবে,

নম নম নম নম হে !

গো-কুলের হিতকর্তা হে,

ব্রাহ্মণ-গণ-ভর্তা হে,

জগতের দুখ-হর্তা হে,

তুমি মঙ্গলতম নম হে !

নিখিল চিত্তাকর্ষণে,

গো-বৃন্দ মনহর্ষণে,

তুমি হে কৃষ্ণ গোবিন্দ,

তুমি আনন্দতম নম হে !

অনুবাদকের প্রণতি

ওঁ জটীনে দণ্ডিণে নিত্যং লম্বোদরশরীরিণে ।

কমণ্ডলুনিসঙ্গায় তস্মৈ ব্রহ্মাত্মনে নমঃ ॥ ১০০ ॥

জয় জয় জয় নিত্য-পুরুষ,

ব্রহ্মাত্মনে জয় হে !

সঙ্গে ভাণ্ড-কমণ্ডলুটি

দণ্ড-ধারণে জয় হে !

(৬১)

জটাজুটধারী লম্বোদর হে,
নমামি রাতুল চরণে ;
সঙ্গের সাথী তুমি হে নিত্য,
ইহলোকে-পরজীবনে ;

বন্দনা

বন্দনা তব ছন্দেতে, ওগো
সন্ধ্যার অধিপতি !
ব্রাহ্মণ আমি, হে ব্রহ্মণ্য !
লহ লহ মোর নতি ।
হে পরনাত্মা ! হে জ্যোতির্ময় !
হে সূর্য্য-ভগবান !
হে পুত সলিল ! পাবক ! পবন !
তোমরা নিখিল প্রাণ ।
দেবী গায়ত্রী ! জগৎকত্রী !
বিধাত্রী স্তখে-স্তখে ;
জনমে জনমে তোমার ছন্দ
ধ্বনিত হোক এ বৃকে ।
হে আৰ্য্য ঋষি ! মন্ত্র-দ্রষ্টা !
আচার্য্য মহীয়ান !
বেদ-সন্ধ্যার মন্ত্র হে আমি
ছন্দে করিহু গান ।

এতে যদি কিছু হয়ে থাকে ক্রটি,
 ক্ষম সেই অপরাধ ;
 শুধু তোমাদের মহিমার গান
 গাহিবারে এই সাধ
 ধন্য জীবন, ধন্য জনম,
 জন্মেছি তব কুলে ;
 তোমারি গোত্র-জাত এ পুত্র
 লুপ্তিত-পদ-মূলে ।
 আচার্য্য-দেব সৎগুরু পদে
 লগ্ন রহুক মন ;
 সন্ধ্যা-ছন্দ-বন্দনা-গাথা
 করিলাম সমাপন ।

সমাপ্ত ।

দরবেশ গ্রন্থাবলী

বিজলী-সঙ্গীত (৪র্থ সংস্করণ)	১৮
গানের খাতা	১০
শ্রীবৃন্দাবন-শতক (শ্রীমৎ প্রবোধানন্দ সরস্বতী বিরচিত—			
২য় সংস্করণ)	১০
কাবেরী (কবিভা)	১০
জগজী (গুরু নানক বিরচিত)	১৬/০
সঙ্গীত-সুধা (ভগবান বিজয়কৃষ্ণ বিরচিত)		...	৬/০
মন্দির (গীতিকাব্য)	১১০

কলিকাতা গুরুদাস-লাইব্রেরী

এবং

বাঁশী যোগাশ্রমে গ্রন্থকারের

নিকট পাওয়া যায় ।



